


10067  
:20



皇朝文獻通考卷三十

征權考 五

權酷

康熙二十八年飭禁

盛京多造燒酒糜費米糧奉

諭旨近聞山海關外盛京等處至今無雨尚未播種萬一

不收轉運維艱朕心深為憂慮且聞彼處蒸造燒酒之

人將米糧糜費頗多著戶部侍郎賽弼漢前往奉天會

同將軍副都統侍郎等嚴加禁止旋以奉天府府尹王



國安

陸辭復

申諭之

乾隆二年除東安等六縣油酒稅銀長蘆鹽政兼  
 管天津關稅務準泰奏言天津關稅務除各處口  
 岸征收稅銀外更有離關寫遠之油酒稅銀一項  
 向例按季差役給發印票分往東安武清香河永  
 清寶坻及寶坻新分之寧河縣各城鄉地方挨查  
 油酒舖家每舖收錢多寡不等伏查東安等六縣

相距津關自八十里至一百四十里不等所有油  
 酒舖家及本地居民不比過關商販且時歇時開  
 額無一定該差持票遠出勢必苛求勒索擾累無  
 窮雖相沿日久實屬陋例請將天津關按季差役  
 分往東安等六縣查收油酒稅銀之處永行停止  
 大戶部議准得

旨允行

又酌定北五省燒鍋躑躅之禁總理事務王大臣

工部等奉

上諭禁止燒鍋一事朕從前降有諭旨因孫嘉淦條奏復令王大臣九卿集議續經兩議具奏朕又降旨令其確議今思禁止燒鍋乃關係民生日用之事督撫大臣所當悉心籌畫者著交直隸河南山東山西陝西等省督撫具奏仍下原議之王大臣等會議尋議民間私開燒鍋耗費糧食向經屢行禁止我

皇上廣詢博訪察兩用中令河北五省督撫各就地方民生日用之情形據實陳奏有請仍照舊例查禁者有請宜寬於豐年而嚴於歉歲者有請不必禁

止者有請永行嚴禁者有請嚴禁肆行躉麴與販者責皆體民之情因地之宜以各抒所見也伏查直隸總督疏內以燒酒之禁宜嚴於歉收之年稍寬於豐裕之歲本地釀造與零星造麴者毋庸禁止其麥麴燒酒槩不許出境如肆行躉麴與販者應行嚴禁并稱富商大賈之興販既絕則本地之所銷自少河南巡撫以行法宜因乎地而立禁先清其源豫省酒多自造比戶皆然請免零星製麴之查禁而廣收多躉販賣者應行嚴禁躉麴不行

燒鍋可以漸減甘撫以甘省並非產酒之區毋庸  
嚴禁陝撫則以爲陝省俗儉民間祭祀慶弔等事  
不得已而用酒若禁燒酒而用黃酒則專用米穀  
細糧轉於民生未便况臨邊地冷兵民藉以禦寒  
勢難槩禁惟躡麴開行遠販者嚴加禁止陝督則  
以爲燒鍋當禁而不可以必禁禁之所以節流寬  
之所以去擾惟歉年自宜禁令加嚴其躡麴開行  
遠販者宜嚴行禁止山西巡撫以晉省燒鍋可寬  
於豐年應禁於歉歲小民自宜遵守至山東巡撫

因本歲二麥偶旱嚴禁燒鍋躡麴竟有毀棄釀具  
者有改業者有自行出首者亦已行之著有明驗  
臣等公同詳議因地制宜者國法之備因時立法  
者王政之經王制有曰修其教不易其俗齊其政  
不易其宜謂凡居民服食器用之不能畫一也燒  
鍋一事各省之情形不同所以各省之陳奏亦不  
能畫一各就其土俗民情孰籌詳酌據實陳奏自  
必確有所見較之憑虛懸擬者自爲親切應照所  
請卽令各於本省因時制宜實力奉行以觀成效

至於躡麴一項係燒酒盛行之源躡麴多則私燒必廣有損蓋藏且富商巨賈肆行躡麴廣收販運易於查拿不致滋擾禁之以清其源裨益甚大各省督撫陳奏衆論僉同均無異說亦應如該督撫所奏凡富商巨賈廣收麥石肆行躡麴大開燒鍋者嚴行禁止但該督撫等所請治罪之處均未書一查違禁私燒者向例俱照律杖一百今將躡麴販運之處嚴行禁止如仍一體懲治實不足以示儆應將廣收麥石肆行躡麴者杖一百枷號兩個

月其官員處分應照吏部原議失察之地方官每一案降一級留任失察至三案者降三級卽行調用官吏有賄縱等弊照枉法律計贓論罪從之

五年禁畿輔燒鍋躡麴耗費糧食御史齊軾奏稱今秋收穫較往歲爲豐畿輔盈寧視外省爲更盛雖禁令已經詳定而農場多粟必樂於聚財倘奉行一有廢弛則以酒居奇者必以糧資利竊見近日京師九門每日酒車銜尾而進市價甚賤爲數

年來所無是必網利之富賈販酒者多故其價大  
減亦必附近之州縣私燒者衆故車載日盛也應

請

勅下近省督撫轉飭所屬地方恪遵定例實力稽查奉  
諭旨齊軾所奏甚是秋成豐稔之時正宜講求民間儲  
蓄之計著孫嘉淦轉飭所屬地方官窮緝治罪不得  
姑容至於零星沽賣者不必過爲深究倘因降此旨  
將二一無力小戶查拿以爲塞責之具致使閭閻滋  
擾而奸商巨販轉以納賄於官吏而脫然事外藐法

公行則州縣官之咎更不可追可傳諭直隸及隣近  
省分一體遵行

八年

勅免通州油酒等項征納額稅總督倉場侍郎覺羅吳  
拜奏通州稅務經前道祝光熊任內以芝蔴麥子  
生猪已按石按口報納額稅而磨油磨麪屠宰鋪  
戶又納季鈔似屬重複其燒黃酒零綢故衣帽鋪  
念係小本貿易經營餬口將一切所征鋪戶季鈔  
名色盡行革除具詳前任直隸巡撫批行勒石永

禁至雍正五年前任坐糧廳顧琮等查明故衣零  
綢舖戶各稅照舊抽收至乾隆七年經現任坐糧  
廳恩特等檢查部頒則例所載磨油舖戶每月稅  
油四簍每簍正稅銀一錢五釐通灣酒舖戶上戶  
每月稅銀一錢五分中戶一錢下戶八分通灣糖  
舖戶上戶每月稅銀三錢中戶二錢下戶一錢仍  
令按款歸納查通州稅款內之油酒糖舖各稅雖  
皆所抽數屬些微但以部冊開載之款向來未經題  
奏即行批禁殊屬不合奏請交部議覆得又題  
奏

### 旨免其納稅

十四年禁運販紅麴紅糟并分別治罪輕重例福  
建布政司永寧奏言躡麴一項久奉禁止但麴原  
以麥製造故直隸山東河南江南等省產麥處所  
造麴者多至於閩省種麥原屬稀少民間造酒不  
用麥麴而以米爲之其名紅麴蓋麴價較之米價  
頗昂小民於秋收之際不知珍惜每多製造紅麴  
以圖厚利訪得古田屏南永安平和等邑并汀郡  
一二府各屬縣是處俱有歲耗甚多又聞建安縣之



南臺里地方專以上號食米製造紅麴凡造紅麴者又必先買紅糟方能造麴歷來雖經飭禁無如趨利之徒仍多不遵請以民間零星自用者免其查禁如多爲製造船裝運販者槩行禁止如運販五百觔以內及廣收米石製造運販一百千觔以上者分別治罪紅麴變價入官地方官失察賄縱俱論如法疏入下部議行

臣等謹按周書有羣飲之戒周官有幾酒之條蓋以德將無醉燕彼沉湎者流而酒醪糜穀則亦漢

詔所諄諄也自漢孝武權酷以後或占租以市酒或列肆以取贏或按月以納酒錢或逐月以充市絹甚者官自造酒而禁民之私酷吏主釀務而課民以入直至宋熙寧年間酒課歲額有至四十萬以上者鬻樵雇薪抑配白納或且有算畝起派反過正稅又其甚者矣我夫其害甚於昔矣

朝本無權酷之官其天津六縣及通州酒稅有司以

聞卽蒙 旨蓋燕之精至清且虛因效亦之豐嫌以爲禁  
恩免惟念釀酒之家耗費米糧禁北省躡麴燒鍋集廷

臣及外省督撫酌中定議官不利其所入而爲小  
民籌蓋藏之計至詳且盡因歲收之豐歉以爲禁  
博約之寬嚴因販麴之多少以爲論罪之輕重蓋養  
民者使其自養愛穀者去其害穀猶是周書誥戒  
小子及漢初羣飲罰金之遺意焉其初亦以  
四十五年戶部議杭州織造徵瑞言北新關收稅  
舊例每烟百觔稅銀四錢六分酒十罈約計二百  
觔稅銀二分今部頒則例刪併兩項並每百觔稅  
銀四錢均有窒礙應如所奏仍照舊例辦理從之

### 權茶

中興西茶稅

順治二年定陝西茶馬事例先是元年定與西番  
易馬每茶一篋重十觔上馬給茶篋十二中馬給  
九下馬給七至是差御史轄五茶馬司戶部言陝  
西召商茶以易番馬向有照給金牌勘合之制查  
前明詔諭通接西番關隘處所撥官軍巡守不許  
私茶出境凡進貢番僧應賞食茶頒給勘合行令  
四川布政司撥發庫茶照數支放不許於湖廣等  
處收買私茶違者盡數入官仍將伴送人員治罪

此舊例之可行者若金牌一項係明初事例永樂十四年已經停止我

朝定鼎各番慕義馳貢金牌可以不用但以茶易馬務須酌量價值兩得其平無失柔遠之義從之

三年免茶馬增解額數茶馬舊額一萬二千八百八匹自故明崇禎三年增解二千匹所增馬匹究

竟年年虛額無濟軍需茶馬御史廖攀龍奏請永行蠲免從之

七年定陝西茶引從部頒發例巡視茶馬御史吳

達疏言陝西茶引明季係茶馬御史自行印發故引有大小之分又有大引官商平分小引納稅三分入官七分給商之例今引從部發俱應照大引例官商平分以為中馬之用報可

康熙三十四年

勅遣專官管理茶馬事務戶部議覆刑科給事中裘元佩

條奏馬政事關緊要洮岷諸處額茶三十餘萬篋

可中馬一萬匹陳茶每年帶銷又可中馬數萬匹

查茶勛中馬甚有裨益應將額茶中得之馬給管

皇朝文獻通考 卷三十一  
十一  
驛外其餘馬每年交秋將數千匹送至紅城口等處收放得

旨茶馬事關緊要著遣專官管理

欽定 三十五年飭准打箭爐番人市茶貿易四川巡撫于養志遵

旨會同烏斯藏喇嘛管官等查勘打箭爐地界奏番人藉茶度生居處年久且達賴喇嘛曾經啟奏准行應仍准其貿易理藩院議准從之  
四十四年停止巡視茶馬官員歸甘肅巡撫兼管

先是三十六年專差部員管理茶馬事務至是年

復歸巡撫兼管因招中無幾西寧等處所徵茶篋

停止易馬將茶變價折銀充餉至雍正九年奏准

五司復行中馬之法每上馬一匹給茶十二篋中

馬一匹給茶九篋下馬一匹給茶七篋俟一年之

後計所收馬匹卽留甘省軍營之用或馬數甚多

分撥河南山西就近喂養十年奏准中馬之法應

見馬給茶至十三年仍復奏明停止

五十八年准理塘巴塘地方員運茶勛議政大臣

等議覆都統法喇疏言蒙古地方及西藏人民皆藉茶養生松潘一路茶價甚賤青海一帶積茶必多應暫行禁止俟其懇請時再酌定數目令其買運至打箭爐外最近者為裏塘遣官招撫令營官造具所管番寨戶口清冊酌量定數許其買運巴塘以外亦照此例其打箭爐一路當視番情之向背分別通禁應如所奏從之

互見市糴考

雍正八年定川茶征稅例奉

諭旨川茶皆論圍圃樹以定稅額夫茶樹有大小不同圍

地有廣狹不一若槩以圍樹之數為額未為允當應將茶稅照觔兩收納方得其平著該撫詳議經戶部議准

四川撫臣憲德疏言川省行茶原額新增共邊腹

土引八萬五千三百四十四張納課銀四百二十

四兩計算每觔止納課銀四絲九忽零實屬太輕

今該撫定以每觔一釐二毫五絲令各商人在於

茶價銀內扣存即隨引稅赴地方官照數完解所

議甚為妥協應令該撫將前項權課銀一萬六千

六十八兩按年造入奏銷冊內具題查核再查陝

西行茶例定每引一道運茶百觔每茶一千觔准帶附茶一百四十觔如有夾帶卽以私茶論罪今該撫請加耗茶一十四觔如有多帶照私鹽例治罪地方官有故縱失察者照私鹽例處分仍令該撫將行茶商人姓名並產茶州縣權課細數造冊報部得

旨允行

十年准預頒四川省行茶引張隨時給發四川巡撫憲德疏稱川省行茶原以部引爲憑自應請引

行運但口外聚商貿易多寡內地州縣無從查考或見番客雲集茶勛易售方請增引如必候部頒發則番客已去各商未免畏阻不前請於額頒之外預頒茶引五千張收貯巡撫衙門俟有請增州縣一面題報二面卽將部引給發下部議行乾隆六年酌減四川松潘地方行茶邊引戶部議覆四川巡撫碩色奏請酌減松潘茶引一案查川省松潘地方行茶邊引原額一萬三千七百六張巴儘是行銷原無茶引不敷買食之處後因天全

州土商濫請增給土引以致積滯經前撫臣楊敏  
題准改撥各州縣代為分銷維時成都等縣商人  
因松潘修城之時番民集聚傭工茶觔易銷定為  
常額是以成都縣撥銷土引六百張彭縣八百一  
十一張灌縣三千六百張崇寧縣六百八十張石  
泉縣二百六十三張安縣二百六十四張俱改照  
邊引納稅於松潘行銷年來城工告竣番民陸續  
剝集茶觔漸至壅滯應如所請將成都等縣積引  
量減四千四十九張併課稅銀兩一併照數開除

從之甘肅巡撫吳大澂奏言甘省交商茶稅日增

又准甘省官茶辦交本色先是甘省官茶因停止  
普招中馬匹節經該撫題明將官茶改徵折色陳茶  
議定價發變俟各司銷存至六十萬封上下題徵本  
前色至是護撫徐杞以各司銷存庫茶止九十二萬  
餘餘封迨新茶辦運到甘陳茶接續分銷可存六十  
四萬封上下請仍令商人辦交本色從之

商及年豁免川省茶引未完銀兩奉

諭對前因川省松潘引多茶壅故將天全州之積引改

論撥成都彭灌等縣行銷每年空繳引張賠納稅課官  
 商交累乾隆六年朕降旨開除成都彭灌三縣積引  
 四千四十九張并課稅銀二千四百一十七兩二錢  
 從乾隆七年為始官商俱受其益惟是乾隆七年以  
 前之羨餘截角尚屬拖欠成都彭灌二縣均有未完  
 銀兩川省茶商資本微薄無力復完舊項朕心軫念  
 著將所有三縣舊欠悉行豁免

二十四年准甘肅五司茶封搭放各營俸餉戶部  
 覆准甘肅巡撫吳達善奏言甘省交庫茶封日積

酌議設法銷售經前任布政司明德酌請每封或  
 定價銀六錢運赴甘省安三處變價三年以來僅  
 銷茶一萬餘封現在各司庫貯茶尚有一百四十  
 餘萬封宜亟為籌畫檢閱舊案康熙三十七年因  
 甘司茶封無馬可中貯庫年久經督理茶馬事務  
 內閣學士錢齊請於五鎮俸餉馬乾之內銀七茶  
 三搭給今五司存貯茶封自應照此辦理惟是甘  
 省滿漢各營每年需茶若干難以懸揣自乾隆二  
 十五年春季起令其按季自行酌定茶數總以一



二三成搭支銀兩在於司庫請領即於附近五司處支給從之

二十五年奏定洮河三司茶封歸甘莊二司辦理

戶部議覆甘肅巡撫吳達善奏言甘省茶課向為

中馬而設故每年額引二萬七千二百九十六道

內分西司九千七百一十二道坐落西寧府洮司

三千三百道坐落岷州河司五千一百三十二道

坐落河州莊司五千一百五十二道坐落平番縣

甘司四千道坐落蘭州府今中馬之例久停任甘

莊三司係各處衝衢西河三司附近青海常有銷

售之路惟洮司地處偏僻土瘠民貧故該司商銷

茶勛歷年俱告改別司售賣惟交官茶封仍交洮

司庫往往積至數千萬封始請疏銷臣查甘莊二司

地處衝衢撥用收支均屬近便應如該撫所請將

洮司額額茶引改歸甘莊兩司給商徵課俟洮司

庫貯茶封搭餉完日即行裁汰疏上如議行嗣於

乾隆二十七年以河司雖附近青海蒙古而一切

交易俱在西寧從不一赴河州其情形與洮司無

襄亦行裁汰其額引五千道併歸甘莊三司同無  
臣等謹按李唐回紇入貢以馬易茶宋熙寧嘉泰  
間相繼行之漸置茶馬之官至故明齎金牌三衛  
收馬給茶名曰差發其制中廢當時籌國者屢以  
爲言然明政已弛竟不能復也我朝燕然肅清  
朝定鼎之初差茶馬御史招商領引納課所中馬匹  
往者給各邊兵牝者發所司牧養孳息順治十四  
年以七監馬匹蕃庶凡茶馬變價銀兩改解充餉  
康熙三十五年以蘭城無馬可中將甘州司積貯

茶籠銀七茶二用充俸餉蓋

本朝牧地廣於前代稍爲孳息則已驅黃遍野雲錦  
成羣今則大宛西番盡爲內地渥洼天馬皆櫪上  
之駒中馬之制久停是以甘肅茶封恒苦於尋變  
或變折價銀或以充俸餉甘省五司已裁其二尚  
存甘莊三司及西寧三司頒引徵課亦以留中馬  
之舊跡於不廢云前本司今在司單內自算引  
每廿七年以茶勸積滯籌畫疏銷陝甘總督楊應

旨糾辦遵旨正官茶籠餉事宜一官茶籠餉事宜

旨條議甘省五司官茶疏銷事宜一官茶應改徵折價也按甘省庫貯官茶向例如遇存積過多改徵折色如庫貯無幾復請征本色今五司庫內自乾隆七年至二十四年已存積至一百五十餘萬封經前撫臣吳達善於二十四年奏准每封作價三錢搭放兵餉以來當奉行之始兵丁領獲茶封尚有餘利今行之二年有餘已搭放過茶四十餘萬封本現在市肆官茶日多非十年之久不能全數疏銷且每年商人又增配茶二十四萬餘封商茶既多官

茶自必益加壅滯莫若將商人應交二成官茶五萬四千餘封暫停交納照例每封徵折價二錢俟陳茶銷售將完再行徵收本色一商茶應准其減配也查甘省茶法商人每引交茶五十觔無論本折即係額課此外尚有充公銀三萬九千餘兩亦係按年交納無殊正供至商人自賣茶封每引止應配正茶五十觔連附茶其配售三十餘萬封該商等即以配售之茶完納前項應輸之課經前撫臣吳達善奏准增配以紓商力並無課項第茶封

既已加增又有塔放兵餉之庫貯官茶勢致愈積  
愈多難免停本虧折今酌中籌計商人情願每引  
一道止配茶十五封內應酌減無課茶一十五萬  
八千三百十六封共止配茶四十萬九千四百四  
十封至三成本色茶封現既酌議改徵折價自亦  
無庸配運一陳積茶封應召商減售也查各司俱  
有陳積茶封而洮司爲最多該司地處偏僻定議  
搭餉計非數十年不能完現在每封四錢發售商  
民無利可獲裹足不前請仍照乾隆二十六年前

撫臣明德原議每封定價三錢召商變賣河西二  
司共存茶六十餘萬爲數較多亦准其一體照數  
售變一內地新疆應一體塔放也查乾隆二十四  
年前撫臣吳達善奏准滿漢各營以茶封搭餉至  
新疆地方茶餉一項向須取資內地誠如

聖諭各處濟用自屬多多益善今官茶以沿途站車輓  
運毋庸脚費其自肅州運至各處將脚費攤入茶  
本之內較之買自商賈價值尚多減省部議應如  
所請從之

二十九年免追浙省行銷順天茶筋殘引舊例浙  
 省行銷茶引令各商過關輸稅截角統俟茶筋售  
 完之日將所執殘引交原發衙門送部查銷嗣據  
 聖諭 閩浙總督楊廷璋奏報浙省行銷口外等處引張  
 歷經收稅截角更由崇文門截去中間實無影射  
 情弊請將口外殘引免其繳部內地殘引即在行  
 茶處所催繳復據侍郎兼管順天府尹錢汝誠等  
 奏稱浙省乾隆二十三、四等年行銷順天茶引共  
 一萬九千餘道自准浙省咨後即經照例查追迄

今日久大半多 無著落推原 其故實緣行茶與行  
 鹽不同商無一定地任遷移 殘引多隨客散查究  
 無根難以追繳嗣後浙省行銷京城茶引應令崇  
 文門於截去中間時即將所截引心彙齊送部查  
 核其殘引一體免追以省擾累從之

三十七年戶部議前任總督阿爾泰奏南川縣地  
 方產茶盛茂每年除配額引之外尚有餘積請自  
 今始增茶腹引一百張照例徵收課稅應如所請  
 從之

三十八年戶部議四川總督劉秉恬等覆奏請嗣後三雜谷等處土司買茶以千觔爲率使僅敷自食不能私行轉售從之

坑冶

康熙十四年定開採銅鉛之例戶部議准凡各省產銅及黑白鉛處如有本地人民具呈願採該督撫卽委官監管採取至十八年復定各省採得銅鉛以十分內二分納官八分聽民發賣監管官准按觔數議敘上官誅求逼勒者從重議處如有越

境採取及衙役擾民俱治其罪

臣等謹按嗣後各廠之開閉視山礦之旺衰康熙

年間如奉天浙閩諸省皆曾開採續經停止今則湖南雲貴川廣等處並饒礦產而滇之紅銅黔楚之鉛粵東之點錫尤上供京局者也大抵官稅其十分之二其四分則發價官收其四分則聽其流通販運或以一成抽課其餘盡數官買或以三成抽課其餘聽商自賣或有官發工本招商承辦又有竟歸官辦者額有增減價有重輕要皆隨時以

爲損益云

十九年定雲南鉛廠通商之例

詳見市  
糴考

四十六年定雲南礦稅母許加增戶部議雲南金銀銅錫等礦廠稅額應令該撫據實查核加增

上諭大學士等曰雲南礦稅一年徵銀八萬兩零用撥兵餉數亦不少若又令加增有不致累民乎此所得錢糧卽數所用矣本發還著照題議結

四十九年以

盛京部臣請改採鉛地方飭部議處工部議覆

盛京工部侍郎席爾圖疏言錦州採鉛請改於遼陽

採取得

旨採鉛事情前因白爾克條奏自遼陽州改往錦州大碑

等處今又因席爾圖所奏議仍在遼陽州採取前所奏

是則今所奏非今所奏是則前所奏非一切事務該部

當據理剖斷分別是非定議乃止據現在條奏草率議

准殊爲不合凡部院及督撫官員更換一人皆如此類

更舊例貽悞必多著嚴飭行

示或五十一年以四川撫臣能太摺奏

諭示廷臣奉

一平以四川賦田論太嚴奏

諭旨原任四川巡撫能太曾具摺奏聞開礦後又奏稱江  
中有銀派官監視撈取以爲兵餉朕以此二事俱不可  
行隨硃筆批發朕乃人君豈有令江中撈取銀兩之理  
觀此二事卽知能太必貪督撫提鎮奏摺一二次可知  
其行事也因

五十二年奏准久經開礦地方分別開採其未經  
採者禁之大學士九卿等議奏開礦一事除雲南  
督撫及湖廣西地方商人王綱明等各雇本地

民人開礦不議外他省所有之礦向未經開採者  
仍嚴行禁止其本地窮民現在開採者地方官查  
明姓名記冊聽其自開若別省之人往開及本處  
殷實之民有霸佔者卽行重處

上曰有礦地方初開時卽行禁止乃可若久經開採貧民  
勉辦貲本爭趨貪利藉爲衣食之計而忽然禁止則已  
聚之民毫無所得恐生事端總之天地間自然之利當  
與民共之不當以無用棄之要在地方官處置得宜不  
致生事耳



雍正元年停止黔省開採銅礦貴州巡撫金世揚  
疏稱黔省地處荒陬銅觔原無出黔聞有一二礦  
廠久經封閉若令開採鼓鑄無論工費浩大一時  
難以獲效且貴州漢苗雜處每逢場事貿易少則  
易鹽多則賣銀今使錢文漢西南商賈俱非情願若  
以配充兵餉運既難流通無時黔省用銀沿習  
已久請照舊例停開下部知之  
二年兩廣總督孔毓珣奏請於  
東開採以濟窮  
民

上諭廷臣會議嗣奉

諭旨昔年粵省開礦聚集多人以致盜賊漸起隣郡戒嚴  
是以永行封閉夫養民之道惟在勸農務本若皆舍本  
逐末各省遊手無賴之徒望風而至豈能辨其姦良况  
礦砂乃天地自然之利非人力種植可得焉保其生生  
不息今日有利聚之甚易他日利絕則散之甚難爾等  
揆情度勢必不致聚衆生事庶幾可行若招商開廠設  
官收稅傳聞遠近以致聚衆藏姦則斷不可行也  
三年以江西撫臣奏封禁山事宜

特旨訓示江西巡撫裴率度遵

旨摺奏廣信府之封禁山相傳產銅舊名銅塘山明代卽

經封禁其中樹石充塞荒榛極目並無沃土可以

資生亦無頑民盤踞在內此山開則擾累封則安

寧歷有成案康熙五十九年沿山匪類擒獲之後

此山搜查二十餘日並無藏匿據實奏聞得

旨當開則不得因循當禁則不宜依違但不存貪功圖利

之心實心爲地方興利除弊何事不可爲也在秉公相

度時宜而酌定之

五年封禁雲南中甸銅礦從總督鄂爾泰請也

又以湖南撫臣奏請開礦降

旨訓示湖南巡撫布蘭泰疏奏開礦事宜奉

諭旨開採一事目前不無小利人聚衆多爲害甚巨從來

礦徒率皆五方匪類烏合於深山窮谷之中逐此末利

今聚之甚易將來散之甚難也至於利之在公在私尚

屬細事爾果欲盡忠盡何必諄諄以利爲言豈不聞有

利必有一害爾當權其利與害之輕重大小而行之

耳

六年

賜安南國鉛廠山地四十里安南國王黎維禱上疏陳謝

臣等聞事部知之盡忠盡心朝請以修公言豈不聞前  
今舉文准廣西地方開採礦砂戶部議覆廣西巡撫金  
謂安饒疏言桂林府屬潯江等處各礦請招募本地殷  
實開辦商人自備資本開採所得礦砂以三歸公以七  
歸商示給商其梧州府屬之芋茨山產有金沙請另委員  
辦理再粵西貧瘠銅器稀少如開採得銅並請價  
買以供鼓鑄均應如所請從之督得兩奏請出

九年禁止廢鐵出洋工部議覆刑部尚書勵廷儀  
疏言天生五材鐵居其一用以備軍需而造器物  
所係綦重向例鐵貨不許私出外境而廢鐵不在  
禁例近聞射利之徒專收廢鐵鎔化運至近邊近  
海地方貨賣此風漸不可長請嗣後有將廢鐵潛  
出邊境及海洋貨賣者照越販硝磺之律科斷以  
除姦弊應如所請從之互見市  
糴考  
又禁洋船收買鐵鍋廣東布政使楊永斌條奏定  
例鐵器不許出境貨賣而洋船私帶禁止尤嚴粵

東所產鐵鍋每連約重二十觔查雍正七八九年  
夷船出口每船所買鐵鍋少者一百連二三三百連  
不等多者至五百連併有至一千連者計算每年  
出洋之鐵約一二萬觔誠有關係應請照廢鐵之  
例一體嚴禁違者船戶人等照例治罪官役通同  
徇縱照徇縱廢鐵例議處嗣後令海關監督詳加  
稽察至商船煮食器具銅砂鍋俱屬可用非必盡  
需鐵鍋亦無不便外夷之處於朝廷柔懷遠人之  
德意並無違礙奉

旨鐵觔不許出洋例有明禁而廣東夷船每年收買鐵鍋  
甚多則與禁鐵出洋之功令不符矣楊永斌所奏甚是  
嗣後稽察禁止及官員處分商人船戶治罪之處悉照  
所請行粵東既行查禁則他省洋船出口之處亦當一  
體遵行永著爲例嗣是十年以湖南產鐵展轉運販應  
給與印照令沿途關隘查照放行

互見市  
權考

乾隆六年准開滇省卑浙塊澤二鉛廠并試開東  
川者海地方鉛廠戶部覆准雲南巡撫張允隨奏  
稱滇省存廠運局鉛觔應預爲籌畫請將曲靖府

屬之卑浙塊澤二廠准其照舊開採所出鉛筋按  
例抽課再該署督奏稱東川府所屬之者海地方  
亦產有鉛礦距東局路止二站應令該署督張允  
隨將前項鉛礦查明作速採試得

旨如議行

七年奏定川省銅鉛開採事宜戶部議覆四川巡  
撫碩色奏言建昌道所屬之迤北沙溝紫古喇三  
銅廠川東道所轄雲陽界連奉節縣之銅鉛礦廠  
永寧道所轄長寧縣之茶山溝鉛廠並無妨礙田

園廬舍取礦煎試每礦一筋約可煎淨銅鉛三四  
兩不等實屬旺盛應准其開採所出銅鉛除抽課  
之外商民所得銅鉛照例收買以供鼓鑄至開採  
礦廠人衆事繁若不委員專司經理難免滋事透  
漏應准其酌委佐雜幹員分廠經管專司抽課稽  
查約束并於建昌雲陽長寧三處各委官一員一  
年期滿於要隘處所不特巡查并將各商煎出銅  
筋給票登記如與抽課印簿不符及私煎等弊卽  
將本商爐頭責革另募殷商充補再黑白鉛筋俱

皇朝文獻通考 卷三十一  
係鼓鑄所需長寧雲陽等處應准其招商開採照  
例二八抽課每年將細數按季造報歲底具題仍  
將廠名處所預行造冊送部以備查核得

旨如議行

八年定湖北湖南兩省礦廠開閉事宜戶部議覆  
前任湖廣總督孫嘉淦疏稱原任左副都御史仲  
永檀條奏楚省出產銅鉛等礦一案查楚省產礦  
之地頗多而開有成效之處甚少若不悉心籌畫  
因地制宜濫請開採適滋擾累今除湖南常寧縣

屬之龍旺山礦廠先曾創試係黑鉛粗砂且不敷  
工本隨經封停在案又沅陵辰谿永順桑植等縣  
礦廠並綏寧縣銅礦會同縣金礦宜章縣金礦及  
湖北施南興國竹山等府州縣礦廠或屬苗疆或  
有妨田園廬墓或產砂微細並無成效無人承採  
均應飭令地方官嚴加封禁他如湖南之邵陽武  
岡慈利安化永定等州縣鐵礦俱係各該居民農  
隙自創以供農器間有產鐵旺盛之芷江縣挑往  
隣邑售賣應聽商民自便至於彬桂二州礦廠雖

係銅鉛夾雜然地方既非苗獠又無妨礙自應聽其開採抽得稅銅砂價鉛筋並收買砂銅於鼓鑄庫帑洵有裨益應如所奏疏上從之

九年准粵東開採銅礦兩廣總督那蘇圖等奏稱粵東開採礦廠自康熙二十八年以來議開議停已非一次第以錢文日少民用日絀鼓鑄一事萬難緩待粵東現有礦廠棄而不取是猶坐守倉廩而無術療饑非計之得也况粵東山多田少應募工丁斷非有田可耕有地可種之農圃是開採礦

廠兼可爲撫養貧民之計似宜將現在報出銅鉛各礦先行試採自廣州肇慶二府起由近至遠以少及多砂田卽開砂弱卽止陸續酌量抽課至於金銀二礦民多競趨恐轉於鼓鑄有礙應請照舊封閉凡銅礦內有夾帶銀屑爲數甚微者仍准開採抽課下部議行

十一年定粵西銅廠加二抽課戶部覆准署廣西巡撫託庸奏粵西開爐以來銅筋每不能接濟臣前奏請三分抽課七分聽商自賣仍於商本不敷

試辦八月不能有濟懇將商辦銅餉仍照加二收  
課餘銅每百觔給以十六兩二錢之價收買應如  
所奏從之

十二年以粵西礦廠飭委道員查核廣西巡撫鄂  
昌奏粵西一省地居邊徼向來額賦無多所有各  
處礦廠原爲湊充兵餉之用雖各廠出砂之多寡  
抽課之盈絀自有不同而走漏侵隱之弊所在不  
免請令分守蒼梧道及分巡左江右江二道員將  
所轄各廠抽收課銀就近稽查確核從之

十五年開浙省溫處兩郡採鐵之禁戶部議覆閩  
浙總督喀爾吉善疏言五金之產爲天地自然之  
利如果經理得人設法開採原足以便民生而資  
器用第恐防閑不密料理未周每致紛擾滋事是  
以向有查禁之例浙省處州府屬之雲和等縣前  
經撫臣常安奏請槩行封禁今據該督等奏稱處  
州府屬之雲和松楊遂昌青田四縣并温州府屬  
之永嘉平陽二縣及附於平邑淘洗之泰順一縣  
土瘠民貧以採鐵爲恒業封禁以後陽奉陰違徒



起吏胥需索之弊况雲和等七縣俱係內地與近海產鐵應行封禁之寧台等屬不同歷來並無潛藏奸匪透漏外洋等弊應照該督等所請仍弛其禁照舊開採以濟民生所有各項稅課亦應如所請令地方官勘明分則起科俟試行三年後再爲酌中定額從之

十六年定湖南郴桂二州礦廠事宜湖南巡撫楊錫綬奏稱湖南省開採礦廠奏銷案內所有礦夫採獲銅砂以及黑白鉛砂俱應納稅惟黑鉛礦內

銀鉛並產康熙雍正年間銀氣旺盛是以從前京商開挖時報抽銀稅後經封閉迨至乾隆七年原任巡撫許容奏請復開以黑鉛砂內出銀無幾不過滴汁成珠止堪賞給爐戶請將銀稅改爲砂稅現今銀氣復旺自應隨時更正以復銀稅之名然不另立科條誠恐砂稅銀稅無以區別嗣後除銅砂白鉛砂及無銀氣之黑鉛砂所抽稅銀仍名砂稅照舊辦理外其有銀之黑砂定爲銀稅另立科條照例抽收列入奏銷冊內以備稽考又查郴桂

二廠礦夫採獲銅鉛礦砂賣與商人煎煉每年砂稅共銀七八千兩商人廠卡各處丁役辛工飯食等項歲需三四千兩以砂稅之半取給已屬充裕請自乾隆十六年起抽收砂稅每十分內先歸官稅五分餘五分爲商人廠卡公費既於商本無虧又於課務有益從之

又增湖南收買鉛筋價值戶部議各省分出產黑鉛除貴州之外惟湖南最稱旺盛是以京局歲需鉛七十萬餘筋前於黔省黑鉛短少不能辦解案

內臣部酌議題交湖南接辦每百筋照依康熙雍正年間定價以二兩八錢三釐報銷節據湖南巡撫奏稱上本不敷部議黑鉛關係京局鼓鑄必上不虧帑下不病商方可經久黔省工本省而腳價多湖南路近於黔以節省之腳費抵不敷之工本辦理自覺從容應請嗣後湖南辦運除課鉛儘數奏解無庸給價外其收買商鉛運京比照從前貴州辦運之數每百筋定給腳銀四兩六錢按年解運照數支給從之

十七年派專員董理郴桂二州礦廠事宜加增收  
買餘銅價值湖南巡撫范時綬奏言楚省開採礦  
廠稅課攸關立法稽查理宜嚴密湖南郴桂二廠  
據前撫楊錫綬於題請開採事宜案內請於各處  
設卡巡防令該二州爲監督衡永郴桂道爲總理  
經臣部覆准在案茲復據稱該二州駐劄州城離  
廠窻遠不能親赴督查轉委親友家人料理舞弊  
營私勢所不免請遴委專員彈壓凡一切領價報  
銷及抽收稅課辦解銅鉛俱歸經手一年期滿新

舊更替造冊題銷並令該二州互相查察及州同  
州判隨從協辦仍責成該道總理是責任各有攸  
歸防範更爲嚴密應如所請辦理至郴桂二廠所  
出銅筋原議每煉銅百筋除抽課二十筋外餘銅  
八十筋給價九兩六錢收買據該省巡撫以定價  
不敷商本採辦維難請照前撫楊錫綬所奏每餘  
銅八十筋給價銀十一兩二錢八分收買部議以  
湖南產銅之區祇宜量爲加增請照粵西定例每  
出銅百筋除抽課二十筋外餘銅八十筋給價銀

皇朝文獻通考 卷三十一  
十兩四錢則採辦自必從容不致有虧商本應令該撫自題准之日爲始照數支給報銷從之  
二十三年准湖南郴桂二州廠稅俱歸官辦湖南巡撫富勒渾奏言湖南省郴桂二州銅鉛礦廠從前開採伊始一切估色設卡等事官役俱未諳悉是以必須商辦邇年以來官役已經熟練而稅課銅鉛較之從前有增無減是商人力所難辦之事歸之廠員承辦實力稽查既有成效於廠務自有裨益應如所奏從之

二十六年准甘省暫開騷狐泉礦大學士公傅恒等議覆陝甘總督楊應琚奏請開採硫磺以資儲用查磺餉爲營伍所必需遇有缺乏例得給批赴產磺地方購買備用若以本地開採之磺供支各營操防之用較之購自遠處實多節省茲訪得騷狐泉磺礦自封閉後磺砂旺盛請照前例責成蘭州府招商開採自屬籌備營伍之要應如所請辦理至稱口外不產硫磺處所應需火藥現今行文咨調一節查現今回部庫車等處俱有磺礦從

用兵時曾經採取配用充裕卽伊犁及烏魯木齊一帶當日準噶爾亦用鎗炮又從何處購辦可見口外原自不乏礮筋應請交與各該處辦事大臣留心體訪向來產礮處所一體查明採購或附近地方產有礮筋亦可採取配藥運往並可省內地辦運之煩更爲便益其現議騷狐泉開採事宜應請交與該督委員妥辦毋令滋事從之

二十九年准四川屏山縣開採鐵礦四川總督阿爾泰奏屏山縣之李村石堰鳳村及利店茨藜榮

丁等處產鐵每礦砂十筋可煎得生鐵二筋每歲計得生鐵三萬八千八百八十筋請照例開採十分抽二變價撥充兵餉戶部議如所請從之

又准雲南通海縣開採黑鉛廠雲南巡撫劉藻奏通海縣逢里山廠產黑鉛試採有效請照例每百筋抽正課十筋變價充餉餘課十筋以五筋充公五筋爲官役兼食所餘之鉛給價收買戶部議如所請從之

又准雲南彌勒州開採白鉛廠雲南巡撫劉藻奏

彌勒州野豬畊厥產白鉛試採有效請照例每百  
筋抽正課十筋餘課十筋所餘之鉛給價收買撥  
運廣西局鼓鑄於錢法實有裨益戶部議如所請  
從之

三十年准四川江油縣開採鐵礦四川總督阿爾  
泰奏江油縣木通溪和合祠等處產鐵每礦砂一  
十五筋可煎得生鐵四筋八兩每歲得生鐵二萬  
九千一百六十筋請照例開採十分抽二變價撥  
充兵餉戶部議如所請從之

又停止陝西華陰縣開採黑鉛華陰縣之華陽川  
地方產黑鉛自乾隆十三年題准開採每年得鉛  
五六萬筋至十萬筋不等自二十三年以後得鉛  
日以減少至二十八年分僅得四百筋陝西撫臣  
奏請停止戶部議如所請從之

三十一年准四川宜賓縣開採鐵礦四川總督阿  
爾泰奏宜賓縣濫壩等處產鐵每礦砂十筋煎得  
生鐵三筋每歲計得生鐵九千七百二十筋照例  
十分抽二變價按年徵收撥充兵餉戶部議如所

請從之

又准貴州清平縣開採鉛礦貴州巡撫方世儔奏清平縣之永興寨產黑鉛礦砂試採有效請准其開採照例抽課每年可收課鉛一萬二三千觔除支給各標營操演鉛觔外尚有餘剩存貯撥用戶部議如所請從之

又准廣西融縣開採白鉛礦廣西巡撫宋邦綬奏融縣四頂山產白鉛礦砂因無煤炭不能煎煉成鉛而羅成縣冷崗山迺有煤路可以運往就煤煎

煉試採已有成效請准其開採煎煉照例每煉鉛百觔抽正課二十觔撒散三觔造冊報部稽核戶部議如所請從之

又酌定滇省開採礦廠事宜

詳見錢幣考

三十七年

諭滇省各銅廠前因馬騾短少柴米價昂每銅百觔准暫加價銀六錢俟軍務竣後停止嗣後展限一二年今念該省頻歲曾獲有秋而米糧柴炭等價值仍未即能平減著再加恩展限二年俾各資本寬餘踴躍

開採庶於銅務有裨而厥民亦得以資寬裕該撫仍  
留心體察俟厥地物價一平卽行奏明停止

皇朝文獻通考卷三十

皇朝文獻通考卷三十一

征權考六

雜征歛 津渡山澤

順治二年以寺臣條奏蘆政傳

旨訓飭太常寺典簿王文言條奏江南長江一帶荻蘆數  
千餘里中多腴地乞遣臺臣部臣以次清查立爲  
蘆政以充國用得

旨江南初經歸附治平急務惟在安民王文言何得借端  
言利不淮行



臣等謹按瀕江之地沙土隨水性遷移漸成洲渚  
小民植蘆爲業田曰洲田課曰蘆課上農耕治之  
後卽可以藝菽麥種秔稻與良田等非僅以菰蘆  
萑葦之盛爲地利也蓋大江兩岸坍漲靡常此落  
彼淤有司者隨時親勘備書於冊越五年按籍履  
畝而覆核之其坍沒於水者除賦水落沙長者分  
年起徵以方田之法度其丈尺而乘除之其隔江  
對岸地分兩屬則令兩地牧令會勘酌其贏縮以  
定抵補之數順治九年暨十八年廷臣論奏蘆政

利弊未嘗不採用之典簿王文言以小臣越職言  
事首論及此非真有度支盈絀之計特以

聖政維新覬恩澤於分外傳

旨申飭以深折之恭誦

聖諭治平急務惟在安民一語遂開我

朝億萬年樂利之休云

四年裁山東明季牙雜二稅從巡撫丁文盛請也  
九年革除江陰青浦二縣坐派養牛雜稅戶部奏  
言江陰青浦二縣有坐派養牛之稅實屬病民請

嚴飭督撫按臣行府州縣官將牛牙雜稅等項止許於買賣市集照例抽收若有橫派鄉民者指名叅處

又定蘆課五年丈量例工部奏言計臣王永吉按臣秦世禎請以蘆課歸併有司誠以丈量催提等弊重爲民擾也但各州縣正項錢糧尚虧定額恐蘆課零星分散逋欠日多今後蘆課應仍歸主事管理每五年一丈量止丈新漲新坍之地漲者增額坍者開除不漲不坍毋得丈量以滋騷擾報可

十八年准巡按御史條奏蘆課六弊戶部議覆巡按江寧御史何可化條奏蘆課六弊坍沒之賠累宜豁收解之耗費宜革豪強之隱佔宜清州書之飛灑宜禁佃蠹之侵欠宜究蠲免之條例宜溥俱應如所請從之

又清查各省蘆政工部議覆工科給事中王曰高條奏蘆政利弊四款一嚴催徵以懲積欠一親踏勘以核實數一按地形以清課額一酌久任以專責成俱應如所請得

旨江南江西湖廣每省差滿漢司官各一員嚴行清查

康熙二年免崇明縣加徵蘆課江寧巡撫韓世琦疏言崇明縣大糧田九千六十頃五十畝零除正賦外復徵蘆課銀八千三百八十餘兩實係一田兩賦亟請蠲豁部議應如所請從之

六年免廣東雜稅四千兩有奇廣東巡撫王來任請免粵東雜稅四千有奇以甦民困部議不准

上特允之

十年准江南江西湖廣等省蘆課錢糧歸併地方

官管理戶部奏江南江西湖廣蘆課錢糧原係地方官按畝徵收轉解監督衙門與各關差監督親收商稅者有別請嗣後停止差遣部員將蘆課錢糧歸併地方官管理從之

三十八年准內地商人往殺虎口外伐木入口販賣驗放輸稅工部議覆山西巡撫倭倫疏言殷實商人願往殺虎口外大青山等處採木者請令其赴部具呈給票守口官兵驗明放行輸稅入口販賣查殺虎口外從無砍木之例應將該撫所請毋

庸議得

旨內外之民俱屬一體大青山木伐賣商民均為有益著

照該撫所請行

四十八年除革私設牙行吏部議覆江南道監察

御史張蓮條奏貿易貨物設立牙行例給官帖使

平準物價乃地方棍徒於瓜果菜蔬等物亦私立

牙行名色勒捐商民請敕部查稅課定例除應立

牙行者照舊設立外其餘一切私設盡數除革應

如該御史所請從之

互見市糴考

五十三年議准呼努呼河等處木植抽分差奉天

部院司官一員管理工部議覆一千式百箱兩設

盛京工部侍郎貝和諾疏言呼努呼河等處商人所

販木植於十五根之內抽取一根請派

盛京各部才能司官一員抽分一年差滿更換應如

所請從之

雍正七年免貴州軍田上契稅銀戶部覆准雲貴

廣西總督鄂爾泰疏言原任工部侍郎申大成條

奏黔省軍田許照民田一體買賣每畝上稅銀五

錢給契爲業經九卿議覆准行但黔省軍田一畝之價可買民田二畝應納糧賦一畝亦可抵民田二畝其每畝上契稅銀仰請豁免嗣後凡有軍田授受悉照常例報稅從之

十年免西寧煤稅奉

諭旨朕聞西寧北川口外白塔地方出產石煤附近漢土番回民人空取販賣以爲生計每馱納稅錢三十文西寧府委員收解充餉約計每年收銀一千九百餘兩近因西陲用兵之際西寧移駐兵弁較前爲多率皆用煤

以供炊爨煤價漸至昂貴若仍照例徵收稅銀恐價值不能平減於兵民均有未便著將應收稅銀寬免

十一年飭令各省額設牙帖報部存案

諭內閣各省商牙雜稅額設牙帖俱由藩司衙門頒發不許州縣濫給所以防增添之弊不使貽累於商民也近聞各省牙帖歲有增添卽如各集場中有雜貨小販向來無藉牙行者今概行給帖而市井奸牙遂藉此把持抽分利息是集場多一牙戶卽商民多一苦累甚非平價通商之本意著直省督撫飭令各該藩司因地制宜

著為定額報部存案不許有司任意增添嗣後止將額內退帖頂補之處查明換給再有新開集場應設牙行者酌定名數給發亦報部存案庶貿易小民永免牙行苛索之累

互見市糴考

欽添順政各集場中官辦買小銀回

十二年免黔省遵義府各山場小稅雲南廣西總督尹繼善等疏奏黔省遵義府除遵義仁懷兩大稅之外又有遵義縣小板山場綏陽縣永興山場桐梓縣新街山場共小稅銀四百十九兩零到場之物皆係遵義仁懷兩大稅處已經徵稅者查黔

省原有各山場小稅久經豁免遵義向隸川省是以仍循舊規今既改隸黔省應請一例邀免以除民累得

旨遵義等縣山場小稅著照黔省通例一併加恩豁免

十三年禁止契紙契根并停徵收稅課議敘之例

奉

諭旨民間買賣田房例應買主輸稅交官官用印信鈐

蓋契紙所以杜奸民捏造文券之弊原非為增課也後經田文鏡創為契紙契根之法預用布政司印信

皇朝文獻通考 卷三十一  
發給州縣行之既久書吏夤緣爲奸需索之費數十  
倍於從前徒飽吏役之壑甚爲閭閻之累不可不嚴  
行禁止嗣後民間買賣田房仍照舊例自行立契按  
則納稅地方官不得額外多取絲毫將契紙契根之  
法永行禁止至於活契典業者乃民間一時借貸銀  
錢原不在買賣納稅之例嗣後聽其自便不必投契  
用印收取稅銀其地方官徵收稅銀多者停其議敘  
乾隆元年除近海居民雜稅戶部覆准尚書甘汝  
來奏言邊海之地居民採捕魚蝦藉以活命其船

則用單桅不能出洋貿易向祇於本縣給照稽其  
出入並不輸稅近聞各海關監督雖單桅船隻亦  
令請領關牌同雙桅出洋貿易之船一體輸鈔無  
論輸鈔之多寡卽請領關牌一次已需規例四五  
兩不等請查明海疆單桅捕魚之船概免領牌輸  
餉度海濱貧民得有生計至近海貧民資生無業  
有用竹簍取魚者有於埠頭養鴨者閩廣之間悉  
按筴按埠徵稅此項稅銀無多旣非額稅所有卽  
係官吏私征應令各該撫查明禁止從之

免廣東歸善海豐惠來潮陽四縣加額漁稅並免  
粵東埠租奉 欽此

諭旨廣東山海與區貧民多以捕魚為業各縣俱有額  
徵海課為數無多相沿已久後因歸善縣不肖知縣  
私取陋規加於額徵十數倍遂經撫臣定議加增魚  
稅一千餘兩作為盈餘而海豐惠來潮陽三縣亦仿  
照加增海豐縣則增至四千餘兩惠來縣增至五百  
兩潮陽縣增至七百餘兩朕思粵東山多田少小民  
生計艱辛故以捕魚為養贍之計今他縣魚租皆仍

舊額而歸善等四縣獨徵收加重恐漁民輸納維艱  
非國家愛養黎元之意著將四縣加增之數悉行豁  
免仍照原額徵收其捕魚小船尤不應在輸稅之內  
再查粵東有埠租一項亦民間自收之微利前經地  
方官通查歸公為湊修園基之費夫園基既動公項  
跟兩修築則埠租一項亦著一體免徵以免閭閻之  
煩擾該督撫可轉飭有司實力奉行毋使奸胥地棍  
借端私取致窮民不得均沾實惠

又免湖北太和山香稅奉 欽此



諭旨山東泰安州香稅朕已降旨豁免近聞湖北太和山凡遠近進香者亦有香稅一項著照泰安州之例永行豁免該督撫卽飭令地方官實力奉行毋使奸胥棍巧取滋弊

又復各直省契尾舊例廣東巡撫楊永斌奏向來未設契紙以前凡民間執契投稅官給司頒契尾一紙粘連鈐印令民間收執爲據蓋因田房稅契銀兩贏縮不齊若止就民間自立之契印稅則藩司衙門無數可稽不肖官吏得以私收飽橐而且

民間交易之後往往延挨不稅候至官員離任之頃假託親知書吏或乞恩蓋印或量減稅銀彼匆忙解組之員多寡視爲幸獲豈能審察致詳於是遂有捏造假契乘機投稅致滋訐訟不休者是以會典開載凡買田地房產必用布政使契尾非惟防私徵亦所以杜捏造也迨後因用契紙而契尾之例遂爾停止今契紙旣已革除而契尾尚未復設臣思契尾之例係投契之時官爲印給不同契紙第由民間價買致有滋擾可比似應仍請復設

皇朝文獻通考 卷三十一  
照依舊例由布政使編給各屬令地方官粘連民契之後鈐印給發每歲奏銷之時將用過契尾數目申報藩司查考其稅銀如有贏縮仍令儘收儘解庶可杜官吏侵收與奸民捏造之弊經王大臣會同戶部議奏得

旨如所請行

四年開三道溝及熱河八溝等處煤窰戶部議覆直隸提督永常奏三道溝至熱河八溝等處產煤之所請開挖煤窰以天地自然之利惠及兵民固

屬因地制宜之法但三道溝等處俱係邊關塞外地方遼濶一設窰座人民叢集自應稽查防範並劄知欽天監委員前往相度於行宮有無妨碍是日面奉

諭旨古北口外三道溝等處請開煤窰朕祇期於地方並無滋擾兵民實有裨益至於行宮不過暫時巡幸之所其有無妨碍不必議及又以前帖歲增令各省嚴加核實奉

諭旨昔我

皇考惠養商民恐州縣牙行歲有增添以致奸棍爭奪抽  
分利息爲閭閻之擾累於雍正十一年

特諭令直省因地制宜著爲定額報部存案不許有司任  
意增添所降

諭旨甚明近聞江蘇各屬於額帖之外陸續請增者一縣  
竟有數十張以至百餘張不等此必州縣官員才識  
短淺聽信吏胥播弄借新開集場准其添設之例或  
舊業而捏爲新設或裁牙而混詳改充徒使貿易小  
民受其苛索莫可申訴江蘇如此則各省亦必皆然

著該部卽通行各省督撫該地方果有新開集場應  
設牙行者由府州核實詳司給發牙帖如非新開集  
場而朦混請添者卽行題叅從重議處

五年議定清釐牙行之例向例每行認充經紀取  
具同行互保一人出具殷實良民甘結該管官加  
結送司給帖充應互結雖有殷實字樣而互保之  
責成未經議及今定鋪家拖累商人者將本牙行  
帖追繳勒限清還仍行給與若係牙行誑騙商人  
將互保行帖一併追繳勒限清還本牙更換互保

行帖仍行給與倘逾限不完將互保之人一并更  
換牙行惟圖用錢任舖戶坑騙客商者除逾限不  
完將牙行革退外仍將舖戶責限追比其不足之  
項令牙行賠補牙行侵吞客賬者除逾限不完將  
本牙互保一體斥革外仍將本牙責限追比其不  
足之項令互保攤賠其追比之限期案欠數之多  
寡酌定至於以後客之貨挪補前客之欠移弱客  
之貨代償強客之欠該互保先行舉首免其治罪  
容隱者責令分賠牙行駁罰人等侵吞客賬總照

牙行侵吞之例追帖賠補

互見市  
糴考

又奉

諭旨民間懋遷有無官立牙行以評物價便商賈其頂  
冒把持者俱有嚴禁近聞外省衙門胥役多有更名  
捏姓兼充牙行者此輩倚勢作奸壟斷取利必致魚  
肉商民被害之人又因其衙門情熟莫敢申訴其爲  
市廛之蠹尤非尋常頂冒把持者可比所當亟爲查  
禁嗣後胥役人等冒充牙行作何定例嚴禁及地方  
官失於查察作何處分之處交該部定議具奏尋議

官各省衙門胥役現在更名捏姓兼充牙行者令地  
禁方官嚴查確實卽行追帖勒令歇業並將胥役充  
市補牙行之處永行嚴禁倘不法胥役仍敢更名捏  
姓兼充牙行應照更名重役例治罪侵食客貨賒  
賒累商人者發附近充軍該管官照例議處載入則  
例遵行從之

准東省濟南等府開挖煤窑戶部議覆山東巡撫  
朱定元疏稱東省生齒日繁山林所產樵蘇價直  
倍於往昔必須煤炭接濟查濟南府屬之章邱淄

川泰安府屬之泰安新泰萊蕪肥城兗州府屬之

寧陽滕縣嶧縣泗水沂州府屬之蘭山郯城費縣

蒙陰莒州青州府屬之益都臨朐博山登州府屬

之萊陽海陽等州縣俱有煤可採今議於產煤之

處每窑立一窑戶民地以地主爲窑戶其官山官

地以領帖輸稅之人爲窑戶照當稅之例領帖辦

稅凡有僱用人夫必用本籍之人取具地隣等各

結無許外方人等充冒致生事端從之

六年革除牙稅積弊戶部覆准河南巡撫雅爾圖

奏稱懋遷有無小民日用之常而抽收稅課設立  
牙行所以通商賈而息爭端其有私收把持者均  
予禁例查牙戶一項原因從前州縣任意增添濫  
行給帖是以著爲定額毋許額外增添其有把持  
壟斷朋夥私充者例有治罪之條地方官理應實  
力奉行豈容於額設牙行之外另立名色擾累商  
民今該撫所奏各省貿易集場及零星口岸於額  
設牙行之外竟復有集主包頭攬頭名色朋比攘  
據任意勒索實爲商民之累自當通查禁革清除

積弊以便商民應行令各省督撫轉飭各該地方  
官嚴查禁革倘地方官奉行不力復滋前項弊竇  
亦卽指名查叅從之

八年免浙江玉環塗稅奉

諭旨浙省溫台二洋爲漁船採捕之所從前玉環未經  
展復以前凡漁船在洋採捕者汛兵需索陋規無異  
私稅後因展復玉環該地方官惟恐經費無出遂將  
陋規改收塗稅以資經費之不足此一時權宜之計  
也而每年所委徵未員弁及丁役人等往往借端苛

索朕思濱海編氓以海爲田每歲出沒於風濤之中捕魚以餬其口生計淡泊應加軫恤况自玉環展復以來地方所有錢糧已敷公事之用無庸更收塗稅著將此項永遠革除

九年定稽察參山積弊事宜舊例商人領票辦參每票一張一人兩馱前往刨採而領票之人早已雇夫出口每票一張或三四人五六人不等經奉旨天將軍奏稱與其聽伊私雇人夫任意刨採不若嚴定人數給發腰牌請嗣後以每領官票一張准其

三人出口一人守馱炊爨兩人入山刨採給發腰牌三面以別真僞至包攬飛參之棍徒應與產礦山場礦徒潛行偷挖約練接濟夥同分利者同科請嗣後拏獲包送飛參之人亦照此律究治惟是邊門所轄鞭長莫及難以防範如威遠堡邊門路通寧古塔黑龍江兩省商賈車輛往來不絕又如英額江清二門雖無車輛出入多有馬馱私運至謙厥黉河兩門並應添巡緝卽在各屬員內調補三年更換戶部議覆俱應如所奏從之

十一年准湖南衡州府城設立牙行戶部覆准湖  
廣總督鄂爾達等疏稱郴桂二州界趾雖屬毗連  
其水路所通一由永興耒陽地境出衡郡大河一  
由常寧地界出衡郡大河河道既分運行各別其  
附近處所惟衡州府城爲該二州往來舟楫必由  
之道實爲總會處所應於衡州府城設立牙行頒  
給印烙官秤先儘採買後儘客販當面議價該牙  
止在旁眼同兌交銀兩貨物以免爭競該牙行如  
有壟斷把持哄誘代買以及虧欠客本等弊卽行

究革勒追另募頂充從之

又免廣東瓊州牛新等項無著稅銀廣東瓊州府  
屬有應徵牛新等項稅銀四千二百餘兩載在全書  
例應徵納經該督撫查奏此項稅銀內有無著銀  
一千七百餘兩實係畸零小戶難以照舊派徵奉  
特旨永行豁免

十四年定應城縣徵收石膏稅額署湖廣總督新  
柱奏言查得應城縣石膏徵稅一項徵之於產膏  
地方之尙民者則日尙稅徵之於評膏價之經紀



者則日行稅徵之河下裝運石膏之船戶者則日  
河稅歷來照數徵收報解今委員監收一年期滿  
監收膏稅正餘并尚行河稅銀共四千一十八兩  
計旨九錢八分零內除膏稅正額及耗羨并尚行河稅  
以及經巡紙筆飯食暨贏餘項下解費銀兩外實  
贏餘銀二千二百六十九錢七分八釐零其徵  
收膏稅已奉發有循環簿登填其秤係照部法較  
準逐行查秤設立木櫃令商人親填完納部議應  
如所請得

旨允行

又更定稅契之法先是民間買賣田房應買主輸  
稅交官官用印信鈐蓋契紙以杜奸民捏造文契  
之弊經田文鏡創爲契紙契根之法於雍正十三  
年特奉

諭旨停止又於乾隆元年經廣東巡撫楊永斌奏請仍  
復契尾舊例覆准通行至是戶部議駁河南布政  
使富明疏奏請於業戶納稅時將契尾粘連用印  
存貯每遇十號申送知府直隸州查對不知契尾

經一衙門卽多一衙門之停擱由一吏胥卽多一吏胥之苛求甚且指勒駁查以致業戶經年累月求一執照寧家而不可得應將所奏毋庸議臣等酌議請嗣後布政使頒發給民契尾格式編列號數前半幅照常細書業戶等姓名買賣田房數目價銀稅銀若干後半幅於空白處預鈐司印以備投稅時將契價稅銀數目大字填寫鈐印之處令業戶看明當面騎字截開前幅給業戶收執後幅同季冊彙送布政使查核此係一行筆跡平分爲

一大小數目委難改換庶契尾無停擱之虞而契價無參差之弊疏上如議行

十七年停止大宛二縣鋪面行稅三年編審之例改爲按年徵收戶部議覆直隸總督方觀承等奏稱大興宛平二縣鋪面行稅舊例分別上中二戶按則徵收三年編審一次原以杜隱漏之弊惟是編定之後如遇該年鋪面減少則將下戶陞作中戶中戶陞作上戶加徵稅銀以符前數商民不無苦累如遇該年鋪面增多稅亦因之而多而報解

仍止此數徒供官吏之侵蝕欲行稅之徵收皆歸實在誠莫若於鋪面之開閉隨時考核應請於每年二月令該二縣將各行鋪親身查點一次分別資本充裕者列爲上戶照例歲徵銀五兩稍次者列爲中戶照例歲徵銀二兩五錢並於由單內填註明白地方官祇須按鋪給單按單收稅無俟假手吏胥紛紛查報應如所請從之

二十一年定蘆洲地畝冊戶以次撥補之例江西巡撫胡寶泉奏言蘆洲地畝冊漲靡常舊制五年丈

量一次漲陞冊除嗣於乾隆十三年經部定議凡有坍塌洲地卽令業戶報官勘明註冊立案遇有淤漲按照報冊先後以次撥補倘有餘剩新淤官地名民認墾按則陞科通行遵照惟是蘆洲有有課無課之分凡濱江洲地先由水影次變沙灘又次爲泥灘爲草場爲草坦至於漸積成洲然後納課計自水影以至成洲必經數十年或十餘年之久其成洲頗費工本及遇塌卸必屆大丈之年始行除課若有淤漲之地自應按照報冊先後俾復

其業以完課額至於水影沙灘之地原無工本可費是以例不陞課卽有坍卸自不在撥補之列乃有奸猾之徒因定例未經分晰指明往往以無課之沙灘等項混爭撥補請嗣後將有課之洲報坍者挨順先後彙爲一冊按次撥補庶課額既定訟端可弭經部議覆應如所請凡濱江新漲之地查原舊有課之洲報坍者次第撥補至於水影沙灘等項雖稱未經陞課但小民承認多年希圖成業一遇坍塌旣不得與有課坍戶一例撥補至撥補

餘剩之地若不量爲准撥恐失業之戶未肯甘心彼此復啟爭端情理殊未平允應令嗣後新漲地畝除儘有課坍戶補足之外尚有餘地卽將無課坍戶按照報坍先後酌量撥補再有餘剩始行召墾仍嚴行各洲戶安分息爭一聽官撥分別辦理疏上得

旨如議行

三十一年准

盛京大那祿等山場招商砍木納稅

盛京侍郎清葆奉寬奏大那祿等九處山場請勒限  
三年仍給各商領票砍木納稅至三年期滿仍將  
九處山場撥給台丁砍木如台丁內有不願領票  
者照例招商承領輸納稅課得

旨允行

二十三年核定順天府屬額設牙行順天府尹劉  
綸等疏稱順天府通判所屬牙行額設一千七十  
二名除節次裁去各牙二百五十八名外實在存  
留牙行八百四十九名連崇文門經紀四十二名

每年共應徵銀一千五百兩有奇著爲定額至議  
裁之燒酒瓜茄青菜共二十三名停其募補并嚴  
禁坐地奸賈暗取牙錢其實係自置自買以及零  
星肩挑背負售賣者不得使該牙等藉端需索從  
之

二十四年定山西穆納山徵收木植稅課山西穆  
納山木植久經封禁該處奸商藉此射利潛行偷  
砍地方胥吏需索勒詐每滋弊端

上命戶部郎中英廉會同巡撫塔永寧前往各山溝逐

上命細履勘具奏產木山場共有四十七處屢經砍伐而可用之材尚多但山場荒僻路徑叢雜與黃河磴口處處相接可通水運亟應仰遵

諭旨竟弛其禁招商砍伐按料給與蒙古山價既可爲養贍窮乏蒙古之資材木運入內地又可供官民興作之用謹將招商開採設口稽查各事宜逐一詳議一稅口宜互相稽查也查穆納山木植運至山口卽就山口驗量鑿用印廠斧印派附近駐劄之薩拉齊協理通判兼司理至上游磴口木植

必由查漢庫連磴口與托克托城河口兩處匯集或就近由陸路發往歸化城抑或竟由水路赴殺虎口河保營轉運各處售賣請於兩處各設立稅口責成各該駐劄之通判經營並令歸綏道專司稽查以專責成一稅課山價宜彙同徵收分別解給也查從前議定商人認買穆納山木植每料長七尺厚七寸寬一尺交官價二錢八分今運送稍艱請酌中定以每料收木稅銀一錢二分至山價一項乾隆十七年奏定每料給與一錢今應仰體

裨益蒙古之

恩旨每料酌增二分亦以一錢二分酌給行知烏喇特

扎薩克差員赴歸綏道衙門領回養贍所屬窮乏

蒙古每兩隨稅耗銀一錢以爲吏役飯食巡船紙

張之用一商人工丁宜定數約束以免滋擾蒙古

也今酌議召募殷實諳練者爲商總其散商或三

四人或五六人不得過六名之數每商一名其名

下砍運工丁不得過一百名給與該商人印照指

定山溝分編字號在山伐運一稅廠應按時分別

開停也查穆納山木植非藉黃河水運不能致遠

黃河每年十月立冬冰合至三月清明後冰泮方

能行運兩處稅口卽以酌定啟閉日期通報至開

採數年之後大木無有所有商丁自應概行查逐

出山以免逗留滋事從之

二十五年定湖廣漢口等鎮牙行稅額湖廣總督

蘇昌議覆湖北布政使公泰條奏牙行所完牙稅

皆有上中下三等之殊江西牙稅上則納銀三兩

中則納銀二兩下則納銀一兩湖北四通八達漢

口一鎮更爲九省通衢商賈輻輳不減江浙等省  
乃檢咨報部稅冊自黃州鄖陽與漢口等處比較  
輕重失宜應請將通省各牙行酌中定議上行完  
稅銀二兩中行完稅銀一兩下行完稅銀五錢查  
湖北漢口富商大賈絡繹往來洵屬貿易最盛之  
地其他如荊州府之沙市草市襄陽府屬之樊城  
安陸府屬之岳家口等處雖在市集中亦稱繁盛  
而往來客貨已較遜於漢口其餘州縣之鄉村小  
鎮所有商販多係小本經營牙僧不過微利餬口

不但與漢鎮懸殊即較之草市等處情形迥別今  
若改徵稅銀較之舊時上行加增三倍中下行俱  
加增兩倍有餘恐簡僻州縣鄉村小鎮之牙行完  
納不前轉致有名無實請將漢口草市沙市樊城  
岳家口等處牙行按照上中下則上行完稅銀二  
兩中行完稅銀一兩下行完稅銀五錢其餘僻邑  
村鎮上行完稅銀一兩中行完稅銀五錢下行完  
稅銀三錢其黃州鄖陽二處牙稅一體改正從之  
二十六年議准徵收殺虎口油酒烟筋稅課并令



守口員弁毋得禁止出口農器戶部議覆前任殺虎口監督期成額奏言口外烟油酒三項向係由內地興販出口赴彼貿易是以該處並未定有起課之例今蒙古地方頗種烟葉雜糧口內民人赴彼造作油酒烟筋在歸化城一帶村庄售賣應行令現任殺虎口監督將此三項與皮張雜貨均附於落地木稅按則抽納至奏稱鐵器到口收課守口員弁人等以久于例禁不准出口查戶部頒行關稅全書內鍋杓鋤犁等項俱經列有科則並未

禁其出口嗣後行令監督詳細查明除廢鐵鐵料仍照舊禁止外如祇係農器及民間日用器物即行按則徵稅將名色件數註於票內毋庸禁止從之  
二十七年定烏魯木齊鋪面圍圍分等收稅例駐劄烏魯木齊大臣旌額理奏該處商賈開設鋪面房五百餘間墾種園圃三百餘畝視其生理大小作爲三等其圍圍按年簿徵從之

臣等謹按鋪面開設即日中爲市之義以兼奏園

圍生理故入雜徵其他計舖面收稅者概入關市  
門類

二十八年議准在京牙帖額缺通融頂補戶部議  
覆順天府尹錢汝城等疏稱在京各項經紀多寡  
不齊一牙一帖統計額缺八百九十一名徵輸稅  
銀一千五百三十一兩例由順天府通判管理遇  
有事故懸缺報明募補復定為五年編審一次將  
各牙實在情形查明覆核現在桐油棉花緞緞藥  
材等項帖多貨少陸續告退六十四名乏人充補

又白炭江米銅鉛等項帖少貨多分派城市不敷  
評價此絀彼盈難於酌劑請將現在懸帖六十四  
張發司查銷所遺懸缺即於貨多帖少之行准其  
認補飭司給帖按則輸稅實徵實解總不得逾原  
定牙帖八百九十一名之額使額帖不至虛懸虧  
課而市儈亦無從壟斷居奇自屬因時制宜酌劑  
變通之法應如所奏從之

三十一年令民間稅契無司頒契尾者首明即行  
補給其稅銀於原經手之州縣名下追完奉

諭旨前據湖北按察使雷暢條奏民間田房稅契不粘連司印契尾者立限一年令業戶首明補稅以杜侵隱而稽假冒經戶部覆准並令各督撫分別定限報部查核夫隱匿漏稅若在民間自應查明令其補交若州縣官辦理稅契於契紙內鈐蓋印信並不粘用司印契尾是係不肖有司意圖侵肥入己所致其實小民應投稅銀業已照數輸納今乃令業戶首明補稅而不於原稅之州縣名下追還是百姓受重稅之累而侵隱之官吏轉安享其利於情理殊未得平著

各該督撫詳悉出示曉諭凡民間有已經報稅並無司頒契尾者令其據實首明即行補給契尾其契銀毋庸重複補納以恤民力並查係何員任內經手除事在五年以前及該員已經身故者查明免其勒追外其現任及陞調各員著照原稅名數於各名下定限追完此次立法已後如再有止鈐契紙不連用契尾者各督撫即行查叅治罪如此則閭閻既免重科州縣共知儆惕將來小契之弊亦可不禁自止著將此通諭知之

定稅契申送道府直隸州查驗之例戶部議覆直隸按察使裴宗錫奏民間置產投稅布政使頒發契尾久經定例惟是法久弊生或有官吏串通將所填契尾前半幅之給民者開寫實數後半幅之送司者開寫虛數以百改十以千改百徵多報少希圖侵蝕請令該管之道府直隸州核轉固屬剔弊之法但契價多寡不同槩令申送驗發事屬繁瑣臣等酌議嗣後州縣給發契尾如契價在千兩以下者仍照舊辦理毋庸申送查驗其契價在千

兩以上者應如所請令各州縣將所填契尾粘連業戶原契按月申送知府直隸州查驗直隸州則申送該管道員查驗相符即將契裁兩半定限十日發還州縣一給業戶收領一彙送藩司稽核逾限不給者分別議處至田房稅契例應州縣衙門填給契尾經管徵收查各處竟有由佐雜官徵收者亦宜統歸正印官經管以昭畫一從之

四十八年

諭據慶桂奏拏獲吉林等處私行挖參人犯永璋因朕

前恭謁奏

祖陵前往辦理供應事宜是以見未及此著將慶桂奏摺

抄錄寄永瑋閱看並著伊派委幹官兵于產參山

廠通衢要隘及山谿僻處嚴行搜緝近年封廠停採

原期護養參苗令其滋長今吉林等處拏獲私挖人

犯至百餘名之多是有封閉之名而無其實反令不

肖之徒得以倖獲何若仍行放票開採之為愈也著

自明年為始仍行放票開採

皇朝文獻通考卷三十一



